

Allannguutissatut siunnersuut

uunga

Uunga siunnersuut: Qamutit motorillit taamaallaat innaallagissamik brintimillu ingerlatillit eqqunneqarneranni nioqqutissanik eqqussuinermi akitsuummik aamma qamutit motorillit akileraarutaannik akiliinngikkallarnissaq pillugu Inatsisartut inatsisaat nr. xx, xx 2013-imeersoq

Naalackersuisut pingajussaarinnissamut saqqummiussaat.

§ 1-imut

1. Inatsisissatut siunnersuutip taaguutaa ima oqaasertaqassaaq:

”Uunga siunnersuut: Qamutit motorillit taamaallaat innaallagissamik brintimillu ingerlatillit eqqunneqarneranni nioqqutissanik eqqussuinermi akitsuummik aamma qamutit motorillit akileraarutaannik akiliinngikkallarnissaq pillugu Inatsisartut inatsisaat nr. xx, xx 2013-imeersoq”

2. Inatsisissatut siunnersuummi § 1 ima oqaasertaqassaaq:

”§ 1. Nioqqutissanik eqqussuinermi akitsuutit pillugit Inatsisartut inatsisaanni § 1, imm. 1, nr. 21 aamma qamutit motorillit akileraarutaat pillugu Inatsisartut inatsisaanni § 2, imm. 1 naapertorlugit akiliisussaatitaanerit, qamutitut motorilinnut taamaallaat innaallagissamik brintimilluunniit ingerlatilinnut, kiisalu plug-in-hybridbiilinit, batteriinit innaallagissamik immeqqinneqarsinnaasunik ingerlatilinnut, 1. januar 2018 tikillugu atuutsinneqassanngillat.”

Siunnersuummut oqaaseqaatit

Oqaaseqaatit nalinginnaasut

Allannguutissatut siunnersuutip kingunerissavaa aammattaaq plug-in-hybridbiilit, batteriiniq immeqqinneqarsinnaasunik ingerlateqartut, nioqqutissanik eqqussuinermi akitsuutinik aamma qamutit motorillit akileraarutaannik akiliinngikkallarnissami pineqartunut ilaanissaat.

Plug-in-hybridit tassaapput hybridbiilit ingerlatissaminnik pilersitsinissamut assigiinngitsunik marlunnik atortuligaasut.

Plug-in-hybridit innaallagissamoortumik motoriligaapput, batteriiniq innaallagissiummut ikkullugit innaallagissamik ulikkaarlugit immeqqinneqarsinnaasunik ingerlatilimmik, aammalu motoriligaallutik benzinamik dieselimilluunniit ingerlatilimmik.

Plug-in-hybridip hybridbiilillu allat assigiinngissutigaat plug-in-hybridip, biilit innaallagissamoortut assigalugit batteriini atorlugit kilometerini aalajangersimasuni ingerlasinnaanera, aatsaallu taanna imaaruppat motorini dieselitortoq benzinatortorluunniit ingerlatigilersarlugu. Tassa imaappoq motorit tamarmik immikkoorlutik biilit ingerlatissinnaavaat, hybridbiilit allat motoritik tamaasa ataatsikkut atorlugit ingerlatigisaraat.

Plug-in-hybridi atorpeqarnissamisut atorpeqaruni, tassa motoria ikummatissartortoq aatsaat ajornartoornermi, imaluunniit isorartuumut ingerlaarnermi atorpeqartarluni, taava plug-in-hybridi biilinit nalinginnaasunut taartaasinnaalluarpoq CO₂-mik atuinikinnerusoq.

Plug-in-hybridilli motoria ikummatissartortoq kisimiitillugu atorpeqarsinnaammat, taassuma avatangiisinut iluaqutissartai qularnaavinneqanngillat.

Taamaalilluni siunnersuut akitsuutinik akileraarummillu akiliinngikkallarnissap atornerlunniarneqarsinnaaneranik ammaassivoq.

Taamaammat taamaaliortoqarsinnaanera ilaatigut sillimaffiginiarlugu biiliniq akitsuuseeriaaseq akileraaruseeriaaserlu tamarmiusoq piaarnerpaamik misissoqqissaarneqartariaqassaaq.

Inatsisissatut siunnersuutip aningaasatigut kingunerisassaanik naliliinerup allanngortinneqarnissaa allannguutissap maannakkuugallartoq pisariaqalersinngilaa.

Aalajangersakkanut ataasiakkaanut oqaaseqaatit

Nr. 1-imut 2-mullu

Qamutit motorillit taamaallaat innaallagissamik brintimillu ingerlatillit akitsuutinik akileraarummillu akiliinngikkallarnissaasa, aammattaaq plug-in-hybridbiilinit atuunnissaa siunnersuutaavoq.

Plug-in-hybridit tassaapput hybridbiilit ingerlatissaminnik pilersitsinissamut assigiinngitsunik marlunnik atortuligaasut.

Plug-in-hybridit innaallagissamoortumik motoriligaapput, batteriini innaallagissiummut ikkullugit innaallagissamik ulikkaarlugit immeqqinneqarsinnaasunik ingerlatilimmik, aammalu motoriligaallutik benzinamik dieselimilluunniit ingerlatilimmik.

Plug-in-hybridip hybridbiilillu allat assigiinngissutigaat plug-in-hybridip, biilit innaallagissamoortut assigalugit batteriini atorlugit kilometerini aalajangersimasuni ingerlasinnaanera, aatsaallu taanna imaaruppat motorini dieselitortoq benzinatortorluunniit ingerlatigilersarlugu. Tassa imaappoq motorit tamarmik immikkoorlutik biilit ingerlatissinnaavaat.